

SARS le DTIC di neelana ka ditone tša diaparo, mapai le dieta tše di tshwerwego go batšwa setlhabelo ba meetsemafula

Tshwane, Laboraro 8 June 2022 - SARS le Kgoro ya Intasteri ya Kgwebo le Phadišano (DTIC) di šoma mokopanelwa go neelana ka diaparo, mapai le dieta tše di tshwerwego go batšwa setlhabelo ba meetsefula ka diprofenseng tša ka KwaZulu-Natal (KZN), Eastern Cape, North West le Free State.

Tšhitšhinyo ye, ya go bitšwa *Project Sizani (We all Help)*, e thomile go tielela morago ga pego ya taodišo ya kotsi ya mmušo ya Mopresidente Cyril Ramaphosa ge abe a sekegela go dipula tša maloba tše kgolo le mafula ka diprofenseng tša ka Eastern Cape, North West, Free State le Kwa-Zulu Natal.

SARS e tšere sephetho sa go fana ka diaparo, mapai le dieta tše di tshwerwego, tše di laolelwago go ya ka Molao wa Khasetomo, Molao 91 wa 1964, wo o laolelwago ke SARS, le Molao wa Dithoto tša Ekišo, wo o laolelwago ke DTIC, gammogo le tumelano ya 2009 le 2020 ya NEDLAC, yeo e tlhagišago gore dithoto tše di tshwerwego di swanetše go senywa go efoga bomenetša mmarakeng wa Afrika Borwa.

Go tloga go le bohlokwa go lemoga gore SARS, ka boyona, ga e kgone go tšweletša ditshepetšo tše kgolo tša mohuta wo go ya ka tebelelo ya semolao goba ya ditshepetšo. Dikamano tše dintši le ditumelelo tša baswarakabelo ba mmalwa ba mmušo le ba bangwe ba ka ntle, gammogo le dikamano tša bona thwii, di tlogile di hlokega go kgontšha se.

Se se akareditše “kgogela thoko e tee” go tšwa go tumelano ya NEDLAC, ka ge go dumelane ka kopano ya baswarakabelo ba ba golo ka go Intasteri ya Diaparo, Dilogwa, Diaparo le Mekgopha (CTFL) go kgontšha meneelo ya dithoto tše itšeng tša CTFL tše di bego di tshwerwe le go lahlegelwa go SARS go batšwasetlhabelo ba ditiragalo tše šoro tša maemo a boso ka Aprele 2022.

Phethagatšo ya tshepetšo

Phethagalo ya tshepetšo e eteletšwe pele ke *Governance Task Team* (GTT), se se ilego sa tlhongwa bakeng sa morero wo. Sehlopha se se šomišana mmogo le Komiti ya Taolo ya Dikotsi tša Bosetšhaba go hwetša tshedimošo le taelo go merero ya dikgatlhego tša go tshwana, gammogo le go tsepanya maitekelo a meneelo ya dithoto ka protšeke e kgolo ya go etellwa pele ke mmušo. Maikarabelo a GTT ke go lekola kelelo ya tshepetšo le go kgonthiša gore dithoto tše di neetšwego di na le maikarabelo ka botlalo. Phatlalatšo e tloga e lebeledišwa ka kamano ya tšhomišano mmogo ya kgauswi mo maemong a tlase le Kgoro ya Tšwetšopele ya Selegae (DSD) le mafelo a botšhabelo ao batho ba dulago go ona.

Dikakanyo go tšwa Ofising ya Tonakgolo ya KZN di ile tša dirišwa go tšweletša lenaneo la ditshepetšo leo le laetšago melawana ya taolelo ya meneelo bjalo ka bontši bjo bo abelwago go dipalo tša batho tše ditšeditšwego tša batho bao ba šaparegilego, gammogo le tshepetšo ya taolelo ya go šiša ketwane kamoka ya boleng bja meneelo ka moka.

Go tlaleletša, kgoro ya probense ya Merero ya Setšo le Mmušo ya Tirišano (COGTA), ka tirišo ya yona ya dikago tša taolo ya dikotsi, e tloga e tšere karolo ya ketapele ka dipeakanyo tša ditshepetšo tša meneelo, mola kamano ya mekgatlo ya bašomi le intasteri ya CTFL, bjale ka baswarakabelo ba bagolo, ba tloga ba hlokega kudu kgatong enngwe le enngwe ya protšeke go lekola ditshepetšo le go kgonthiša gore dikotsi dife goba dife tše di ka hlokofatšago kgwebo ya mo gae e a fefolwa. *South African Association of Ship Operators and Agents* (SAASOA) ba thušitše ka dinamelwa le dikhontheina go iša go ntlopatlho ya ka Durban, go tloga fao phatlalatšo e diragalago gona.

Lenaneo la maitekelo

Ka lebaka la dinyakwa tša lepotlapotla tša mapai ka eThekwini, thomišo ya lenaneo la maitekelo bakeng sa meneelo le thomile bekeng ya go feta ka KZN. Mo matšatšing a šupa a lenaneo la maitekelo mapai a 1612 a neetšwe go batšwasetlhabelo ba itšeng ba mafula ka eThekwini, bjale ka ge go laeditšwe ke ba Ofisi ya Tonakgolo ya Mathomo ka KZN. Palomoka ya dikobo/diduvete tše di tshwerwego tše 35 806 di

beetšwe go phatlalatšwa go rapalala le mafelo ka moka ao a amilwego ke kotsi mo nageng.

Tshepetšo ya kamano le Eastern Cape le North West e thomile gomme go akantšwe gore e tla sepetšwa go tshwana le ditshepetšo tša KZN.

Khomišinare wa SARS Mrn. Edward Kieswetter o lebogile Dikgoro tša Mmušo ka moka tše di šomilego mmogo go direla ka go abela le go thuša batšwa setlhabelo ba meetse fula. O boletše gore, “Re holofela le go tshepha gore tiragalo ye ya botho e tla tšwelapele go fokotša ditlaišego tše di bakilwego ke tšhaparego ya tlhago. Mapai, kudu ka ge gonabjale e le marega, a tla tloga a thuša kudu gomme a tla dira phapano go bohle”.

- Go dira dinyakišišo goba dipoledišano, ka kgopelo ikgokaganye le SARSMedia@sars.gov.za
- Go dira peakanyo ya matsha a diswantšho, ka kgopelo ikgokaganye le Mhlaba Memela, mmoledi wa Kgoro ya Tšwetšopele ya Leago ya ka KZN go mhlaba.memelazamo@kzndsd.gov.za.